

Mae fersiwn Saesneg o'r ddogfen hon ar gael.

Hysbysiad Preifatrwydd

Yn yr hysbysiad hwn mae'r termau "Coleg Caerdydd a'r Fro" a "y Coleg" yn cyfeirio at weithgareddau Coleg Caerdydd a'r Fro a'i is-gwmnïau CF10 Retail Limited, ICAT Limited a Dinas-ranbarth De-ddwyrain Cymru ATA Limited. Nid yw'r hysbysiad hwn yn berthnasol i ACT Training, sydd wedi cyhoeddi hysbysiad preifatrwydd ar wahân.

Mae'r Hysbysiad Preifatrwydd hwn yn disgrifio'r hyn y mae Coleg Caerdydd a'r Fro yn ei wneud â'r wybodaeth bersonol y byddwch yn ei rhoi iddo.

Mae'n berthnasol i'r wybodaeth y mae Coleg Caerdydd a'r Fro yn ei chasglu am:

- Ymwelwyr â gwefannau'r Coleg
- Pobl sy'n defnyddio neu a all ddefnyddio gwasanaethau'r Coleg. Er enghraifft: Unigolion sy'n gofyn am wybodaeth gan y Coleg
- Unigolion sy'n dilyn cwrs astudio drwy'r Coleg:
 - Cyn-fyfrwyr Coleg Caerdydd a'r Fro
 - Cyflogwyr sy'n prynu hyfforddiant gan y Coleg
 - Cyflogwyr sy'n mynd â myfyriwr ar brofiad gwaith neu leoliad
 - Cyflogwyr sy'n cyflogi prentis
 - Aelodau o weithlu'r Coleg
 - Llywodraethwyr y Coleg
 - Unigolion sy'n gwsmeriaid i weithrediadau busnes Coleg Caerdydd a'r Fro

Os gofynnir i chi ddarparu gwybodaeth bersonol i ni, dim ond yn y ffyrdd a ddisgrifir yn yr Hysbysiad Preifatrwydd hwn y caiff ei defnyddio.

Os oes gennych unrhyw gwestiynau am y polisi hwn, cysylltwch â'r Swyddog Diogelu Data yn dataprotection@cavc.ac.uk.

Rhai o'r categorïau y mae'r Coleg yn ei chasglu, ei chadw a'i rhannu yw:

- Gwybodaeth bersonol (fel enw, rhif myfyriwr, cyfeiriad, dyddiad geni, rhif yswiriant gwladol)
- Gwybodaeth gyswllt (a all gynnwys rhif ffôn, ebost a chyfeiriad post)
- Gwybodaeth Addysgol (gan gynnwys cymwysterau, graddau a ragwelir, anghenion cymorth dysgu, gwybodaeth presenoldeb – nifer yr absenoldebau a'r rhesymau, a chyflawniadau unigol)

Ysbrydoledig. Cynhwysol. Dylanwadol.
Inspirational. Inclusive. Influential.
www.cardiffandvalecollege.ac.uk

Adolygiad Rhif:	2
Dyddiad Adolygiad Diwethaf:	01/03/2023
Dyddiad Adolygiad Nesaf:	01/03/2024

- Nodweddion (fel rhyw ac os yw'r un peth ag ar enedigaeth, oedran, ethnigrwydd, iaith gyntaf, cenedligrwydd, gwlad enedigol a chymhwysedd i gael prydau ysgol am ddim)
- Gwybodaeth ariannol (manylion banc)
- Gwybodaeth am ddewisiadau a diddordebau personol
- Gwybodaeth am y cwmni, (ariannol, staff, cofnodion datblygiad proffesiynol)
- Data defnydd gwefan
- Gwybodaeth am gontractau staff (dyddiadau cychwyn, oriau a weithiwyd, swydd, rolau a gwybodaeth am gyflogau, hawl i wyliau blyneddol, hanes cyflogaeth a datblygiad proffesiynol)
- Rydym yn defnyddio CCTV yn ein hadeiladau at ddibenion atal trosedd, diogelwch ac iechyd a diogelwch ac felly yn gweld ymwelwyr â'r Coleg ar gamera.

Sut rydym yn defnyddio'r data hwn

Bydd eich gwybodaeth bersonol yn cael ei defnyddio at ddibenion sy'n ymwneud ag addysg, hyfforddiant, cyflogaeth, gwasanaethau cyngor cyffredinol, lles ac ymchwil. Gall y Coleg rannu gwybodaeth bersonol nad yw'n sensitif amdanoch gyda sefydliadau eraill fel a ganlyn:

- Ar gyfer dysgwyr cymwys, mae gwybodaeth yn cael ei throsglwyddo i Lywodraeth Cymru yn unol â gofynion ariannu.
- Ar gyfer dysgwyr cymwys, trosglwyddir gwybodaeth i asiantaethau Llywodraeth y DU (e.e. Asiantaeth Ariannu Addysg a Sgiliau a'r Adran Addysg) yn unol â gofynion ariannu.
- Defnyddir y wybodaeth ar gyfer arfer swyddogaethau'r adrannau hyn o'r Llywodraeth ac i gyflawni cyfrifoldebau statudol, gan gynnwys o dan Ddeddf Prentisiaethau, Sgiliau, Plant a Dysgu 2009. Fe'i defnyddir hefyd mewn cydweithrediad â'r sefydliadau priodol, i greu a chynnal rhif dysgwr unigryw (ULN) a Chofnod Dysgu Personol (CDP), sy'n caniatáu i'r Coleg gael mynediad i unrhyw gymwysterau blaenorol sy'n cael eu storio ar y CDP ar gyfer dysgwyr.

Fe'i defnyddir gan Goleg Caerdydd a'r Fro ar gyfer:

- prosesu ceisiadau, cofrestradau a rhaglenni a chontractau datblygu'r gweithlu
- cofnodion mewnol y Coleg ei hun fel y gall ddarparu gwasanaeth o ansawdd uchel ar eich cyfer
- cysylltu ag unigolion mewn ymateb i ymholiad penodol
- datblygu gwasanaethau'r Coleg er budd dysgwyr
- cysylltu ag unigolion am wasanaethau, cynhyrchion, cynigion a phethau eraill a ddarperir gan y Coleg y mae'n credu eu bod yn berthnasol
- cysylltu ag unigolion drwy ebost, ffôn neu bost at ddibenion ymchwil
- cysylltu ag unigolion ar ôl iddynt gwblhau eu rhaglen ddysgu i sefydlu a ydynt wedi dechrau cyflogaeth neu wedi mynd ymlaen i hyfforddiant neu addysg bellach a'u gwahodd i gymryd rhan yng ngweithgareddau cyn-fyfyrwyr y Coleg

Adolygiad Rhif:	2
Dyddiad Adolygiad Diwethaf:	01/03/2023
Dyddiad Adolygiad Nesaf:	01/03/2024

Ni fydd y Coleg ar unrhyw adeg yn defnyddio gwybodaeth a ddarperir am unrhyw beth heblaw am y rhesymau a nodir yma heb ganiatâd.

Gellir rhannu'r wybodaeth a ddarperir gyda sefydliadau eraill at ddibenion gweinyddu, darparu cyfarwyddyd gyrfa a chyfarwyddyd arall a dibenion ystadegol ac ymchwil, yn ymwneud ag addysg, hyfforddiant, cyflogaeth a diogelu. Dim ond pan fydd y rhannu yn cydymffurfio â Deddf Diogelu Data 2018 y bydd hyn yn digwydd.

Gall Awdurdod Rheoli Cronfa Gymdeithasol Ewrop (ESF), neu ei asiantau, gysylltu ag unigolion i wneud gwaith ymchwil a gwerthuso i lywio effeithiolrwydd y rhaglen. Gellir trosglwyddo gwybodaeth i'r ESF at y diben hwn.

Nid ydym yn storio nac yn trosglwyddo eich data personol y tu allan i Ewrop.

Mae Coleg Caerdydd a'r Fro wedi nodi ei fod yn bodloni nifer o seiliau cyfreithlon ar gyfer prosesu (fel y nodir yn Erthygl 6 o'r Rheoliad Diogelu Data Cyffredinol (GDPR)). Yn gwyno ar gyfer:

- prosesu ymholiadau a cheisiadau i'r Coleg y sail gyfreithiol yw buddiant cyfreithlon
- prosesu gwybodaeth yn ymwneud â rhaglen astudio unigolyn y sail gyfreithiol yw buddiant cyfreithlon a gall hefyd fod yn gysylltiedig â chontract.
- casglu gwybodaeth am gyrchfan unigolyn ar ôl iddynt adael y Coleg y sail gyfreithiol yw buddiant cyfreithiol
- cysylltu ag unigolion sydd wedi cwblhau cwrs yn y Coleg y sail gyfreithiol yw caniatâd.

Diogelwch

Bydd y Coleg yn cadw gwybodaeth bersonol yn ddiogel.

Er mwyn atal datgeliad anawdurdodedig neu fynediad at wybodaeth bersonol, mae ganddo fesurau diogelwch sefydliadol a thechnegol cryf.

Os rhennir gwybodaeth gyda sefydliad arall (rhoddir y rhesymau am hyn yn yr adran isod) bydd yn sicrhau bod Cytundeb Rhannu Gwybodaeth yn ei le.

Mae'r Coleg yn dilyn gweithdrefnau llym i sicrhau ei fod yn prosesu'r holl wybodaeth bersonol yn unol â Deddf Diogelu Data 2018.

Adolygiad Rhif:	2
Dyddiad Adolygiad Diwethaf:	01/03/2023
Dyddiad Adolygiad Nesaf:	01/03/2024

Rhannu Gwybodaeth a Datgelu

Nid yw'r Coleg yn gwerthu nac yn rhentu gwybodaeth bersonol.

Gall gwybodaeth o reidrwydd gael ei datgelu i aelodau priodol o staff Coleg Caerdydd a'r Fro ac i gyrff y llywodraeth (fel yr amlinellwyd yn flaenorol).

Rhai o'r sefydliadau y gall Coleg Caerdydd a'r Fro rannu gwybodaeth â nhw yw:

- Cyrff dyfarnu
- Tŷ'r cwmnïau
- Llywodraeth Cymru
- Adran Addysg a Sgiliau
- Adran Addysg
- Gwasanaeth Cofnodion Dysgwyr
- Asiantaeth Ariannu Addysg a Sgiliau
- Cyflogwyr
- CThEM
- Sefydliadau addysg uwch
- Awdurdodau lleol
- Mailchimp
- GIG – Profi, Orlhain, Diogelu
- Estyn
- Gwasanaeth pensiwn
- Yr heddlu
- Ysgolion
- Is-gontractwyr
- UCAS

Gellir rhannu gwybodaeth â thrydydd parti os yw'n ymwneud â'r gwasanaeth a ddarperir i unigolion, er enghraifft, gallai'r Coleg rannu gwybodaeth â chwmnïau ymchwil marchnad sydd wedi'u contractio i wneud gwaith ar ei ran i asesu boddhad â gwasanaeth y Coleg. Pan fydd y Coleg yn gwneud hyn, bydd bob amser yn sicrhau bod Cytundeb Rhannu Gwybodaeth yn ei le.

Os, fel rhan o ofynion mynediad cwrs neu os yw unigolyn yn gwneud cais am swydd gyda Choleg Caerdydd a'r Fro, bod angen i'r Coleg dderbyn geirada neu gael 'datgeliad' gan y Gwasanaeth Datgelu a Gwahardd, bydd yn rhoi gwybod i chi ymlaen llaw.

Nid oes angen caniatâd rhieni. Efallai y bydd eithriadau o ran myfyrwyr ag anawsterau dysgu difrifol, myfyrwyr â chyswllt ag ysgol a'r rhai na allent fel arall benderfynu drostynt eu hunain.

Ysbrydoledig. Cynhwysol. Dylanwadol.
Inspirational. Inclusive. Influential.
www.cardiffandvalecollege.ac.uk

Adolygiad Rhif:	2
Dyddiad Adolygiad Diwethaf:	01/03/2023
Dyddiad Adolygiad Nesaf:	01/03/2024

Mae'r Coleg wedi canfod ei bod yn fuddiol iawn i gynnydd y person ifanc fel myfyriwr os yw'r Coleg yn gallu ymgysylltu â'r rhieni (neu warcheidwad/gofalwr). Felly, mae'n bwysig iawn bod manylion y rhieni wedi'u cofnodi ar ei systemau.

Pan fydd myfyriwr mewn Addysg Bellach, nid oes gan rieni/gofalwyr/gwarcheidwaid (neu unrhyw drydydd parti arall) hawl awtomatig i wybodaeth y myfyriwr. Dim ond os yw wedi cofnodi eu caniatâd ar gyfer hyn ar system y Coleg y gall y Coleg ryddhau gwybodaeth am ei fyfyrwr.

Gofynnir i fyfyrwyr am eu caniatâd i rannu gwybodaeth gyda rhieni/eraill ar y ffurflen gofrestru neu wrth gofrestru wyneb yn wyneb. Gall myfyrwyr hefyd ychwanegu, newid neu ddileu eu caniatâd yn ddiweddarach.

Am ba mor hir ydyn ni'n cadw data?

Yn gyffredinol, byddwn yn cadw'r rhan fwyaf o'ch data personol drwy gydol eich ymgysylltiad â ni, ac am gyfnod pellach fel y nodir yn ein dogfen cyfnodau cadw data sydd i'w gweld ar wefan y Coleg.

Ymwelwyr â'r wefan

Pan fydd rhywun yn ymweld â <https://cavc.ac.uk/cy> mae'r Coleg yn casglu gwybodaeth log rhyngrwyd safonol a manylion ymwelwyr am batrymau ymddygiad. Mae'n gwneud hyn i ddarganfod pethau fel nifer yr ymwelwyr â gwahanol rannau o'r safle. Mae'n casglu'r wybodaeth mewn ffordd nad yw'n adnabod neb. Os yw am gasglu gwybodaeth bersonol adnabyddadwy trwy ei wefan, bydd yn nodi hyn ac yn gwneud y pwrpas yn glir.

Cwcis

Ffeil fach a osodir ar ddisgyrrwr caled cyfrifiadur yw cwci. Mae'n galluogi gwefan y Coleg i adnabod cyfrifiadur wrth i unigolyn weld gwahanol dudalennau ar y wefan. Mae cwci yn caniatáu i wefannau a rhaglenni storio dewisiadau er mwyn cyflwyno cynnwys, opsiynau neu swyddogaethau sy'n benodol i unigolion. Maent hefyd yn galluogi'r Coleg i weld gwybodaeth, megis faint o bobl sy'n defnyddio'r wefan a pha dudalennau y maent yn tueddu i ymweld â nhw.

Defnyddir yr holl gwcis gan y wefan hon yn unol â Rheoliadau Preifatrwydd a Chyfathrebu Electronig (Cyfarwyddeb y CE) 2003 fel y'u diwygiwyd gan Reoliadau Preifatrwydd a Chyfathrebu Electronig (Cyfarwyddeb y CE) (Diwygio) 2011.

Nid yw cwci yn rhoi mynediad i'r Coleg i gyfrifiadur unigolyn nac unrhyw wybodaeth amdanynt, ac eithrio'r hyn y maent yn dewis ei rannu.

Ysbrydoledig. Cynhwysol. Dylanwadol.
Inspirational. Inclusive. Influential.
www.cardiffandvalecollege.ac.uk

Adolygiad Rhif:	2
Dyddiad Adolygiad Diwethaf:	01/03/2023
Dyddiad Adolygiad Nesaf:	01/03/2024

Gall unigolion ddefnyddio gosodiadau cwcis eu porwr gwe i benderfynu sut mae gwefan y Coleg yn defnyddio cwcis. Os nad yw unigolyn am i wefan y Coleg storio cwcis ar eu cyfrifiadur neu ddyfais, dylent osod eu porwr gwe i wrthod cwcis. Fodd bynnag, nodwch y gallai gwneud hyn effeithio ar sut mae gwefan y Coleg yn gweithredu. Efallai na fydd rhai tudalennau a gwasanaethau ar gael i'r unigolyn.

Oni bai bod unigolyn wedi newid ei borwr i wrthod cwcis, bydd gwefan y Coleg yn cyhoeddi cwcis pan ymwelir ag ef.

Cwcis Gwefan Gymdeithasol

Rydym yn mewnosod cynnwys o wefannau trydydd parti fel YouTube, Facebook a Twitter, felly gallwch "Hoffi" neu "Rhannu" ein cynnwys yn hawdd, ar wefannau cymdeithasol fel Facebook a Twitter.

Fodd bynnag, bydd hyn yn cynnwys gwybodaeth cwci trydydd parti, y bydd ei breifatrwydd yn amrywio o safle rhwydwaith cymdeithasol i safle rhwydwaith cymdeithasol yn ogystal â'r gosodiadau preifatrwydd rydych chi wedi'u dewis ar gyfer y rhwydweithiau hynny.

Am ragor o wybodaeth gweler y polisiau preifatrwydd perthnasol:

Youtube/Google: <http://www.google.com/intl/en/policies/privacy>

Facebook: <http://www.facebook.com/about/privacy>

Twitter: <http://twitter.com/privacy>

Cwcis Ystadegau Ymwelwyr:

Rydym yn defnyddio cwcis i ddadansoddi ystadegau ymwelwyr megis:

- Y nifer sydd wedi ymweld â'r wefan
- Pa dechnoleg porwr y mae'r ymwelydd yn ei defnyddio
- Pa dudalen y mae'r ymwelydd yn ymweld â hi
- Sut cafodd ymwelwyr eu cyfeirio at ein gwefannau

Rheoli gwybodaeth am unigolion

Pan fydd unigolion yn llenwi ffurflen neu'n rhoi eu manylion ar wefan y Coleg, efallai y bydd un neu fwy o flychau ticio sy'n caniatáu iddynt:

Adolygiad Rhif:	2
Dyddiad Adolygiad Diwethaf:	01/03/2023
Dyddiad Adolygiad Nesaf:	01/03/2024

- optio i mewn i dderbyn cyfathrebiadau marchnata gan y Coleg trwy ebost, ffôn, neges destun neu bost
- optio i mewn i dderbyn marchnata gan bartneriaid trydydd parti trwy ebost, ffôn, neges destun neu bost
- os yw unigolion wedi cytuno y gall y Coleg ddefnyddio eu gwybodaeth at ddibenion marchnata, gall unigolion newid eu meddwl yn hawdd, trwy un o'r dulliau hyn:
 - dad-danysgrifio trwy glicio ar y ddolen ym mhob ebost;
 - gyrru ebost at dataprotection@cavc.ac.uk
 - ysgrifennu atom – Y Swyddog Diogelu Data, Coleg Caerdydd a'r Fro, Campws Canol y Ddinas, Heol Dumballs, Caerdydd CF10 5FE

Gall unrhyw unigolyn ofyn i'r Coleg ddileu ei data personol. Gellir gwneud y cais hwn drwy ebostio'r Swyddog Diogelu Data yn dataprotection@cavc.ac.uk. Er nad yw Deddf Diogelu Data 2018 yn rhoi hawl i sefydliad gael gwared ar eich gwybodaeth bersonol yn gyfan gwbl (er enghraifft nid oes angen iddynt ddileu gwybodaeth bersonol os yw'n ofynnol iddynt ei chadw yn ôl y gyfraith neu os oes ganddynt reswm cyfreithlon arall i'w chadw) bydd y Coleg yn adolygu pob cais a bydd dileu yn cael ei asesu fesul achos.

Dolenni o wefan y Coleg

Gall gwefan y Coleg gynnwys dolenni i wefannau eraill. Sylwch nad oed oes gan Goleg Caerdydd a'r Fro unrhyw reolaeth dros wefannau y tu hwnt i <https://cavc.ac.uk/cy>. Os yw unigolyn yn darparu gwybodaeth i wefan y mae'r Coleg yn cysylltu â hi, nid yw'n gyfrifol am ei diogelu a'i phreifatrwydd. Cynghorir unigolion i ddarllen y polisi preifatrwydd neu ddatganiad gwefannau eraill cyn eu defnyddio.

Pobl sy'n defnyddio gwasanaethau'r Coleg

Mae'r Coleg yn cadw'r manylion y mae unigolion yn eu darparu er mwyn cyflwyno rhaglenni astudio. Prentisiaethau, rhaglenni datblygu'r gweithlu a gwasanaethau eraill sy'n bodloni anghenion penodol.

Dim ond i ddarparu'r gwasanaeth y mae unigolyn wedi gofyn amdano y mae'n defnyddio'r manylion hyn ac at ddibenion eraill sy'n gysylltiedig. Er enghraifft, gallai ddefnyddio gwybodaeth am bobl sydd wedi holi am gwrs, i gynnal arolwg i weld a ydynt yn hapus gyda lefel y gwasanaeth y maent wedi'i dderbyn, neu gallai ddefnyddio gwybodaeth am gyflogwr sy'n cynnig profiad gwaith i fyfyrwyr, i gysylltu â nhw am gynllun neu grant Prentisiaeth newydd.

Adolygiad Rhif:	2
Dyddiad Adolygiad Diwethaf:	01/03/2023
Dyddiad Adolygiad Nesaf:	01/03/2024

Gall gwybodaeth gael ei datgelu o reidrwydd i aelodau priodol o staff Coleg Caerdydd a'r Fro ac i gyrff y llywodraeth [i gyflawni cyfrifoldebau statudol y Coleg] megis Adran Addysg a Sgiliau Llywodraeth Cymru, Estyn, ac archwllwyr, neu i bartneriaid lleol.

Pobl sy'n defnyddio gwasanaethau masnachol y Coleg

Os yw rhywun yn gwsmer i un o wasanaethau masnachol y Coleg (e.e. The Classroom, Glamorgan Suite, Urbasba) bydd y wybodaeth y mae unigolyn yn ei rhoi i'r Coleg i'w alluogi i ddarparu'r gwasanaeth hwnnw yn cael ei gadw a'i ddefnyddio at y diben hwnnw yn unig neu at ddibenion cysylltiedig.

Pobl sy'n gofyn am wybodaeth gan Goleg Caerdydd a'r Fro

Os bydd unigolyn yn gofyn am wybodaeth gan y Coleg trwy lythyr, ffôn, ebost, cyflwyno cerdyn ymholiad neu apwyntiad gwerthu, bydd y Coleg yn gwneud cofnod o'r ymholiad hwnnw ac yn defnyddio'r wybodaeth i roi ymateb i'r unigolyn. Dim ond at y dibenion hyn y bydd yn defnyddio'r wybodaeth ac i ddarparu gwasanaeth dilynol i sicrhau ei fod yn darparu'r hyn yr oedd yr unigolyn eisiau.

Cael mynediad at eich gwybodaeth bersonol eich hun

Mae gan unigolion yr hawl i ofyn am gopi o unrhyw wybodaeth bersonol a gedwir gan Goleg Caerdydd a'r Fro. Gallent wneud 'cais gwrthrych am wybodaeth' o dan Ddeddf Diogelu Data 2018.

Y ffordd fwyaf cyfleus o wneud cais yw ebostio'r Swyddog Diogelu Data yn dataprotection@cavc.ac.uk.

Cais i ddileu data personol

Un o'r egwyddorion allweddol sy'n sail i'r GDPR yw hawl unigolyn i ofyn am ddileu data personol lle nad oes rheswm cymhellol dros barhau i'w brosesu. Gelwir hyn hefyd yn hawl i gael eich anghofio.

Y ffordd fwyaf cyfleus o wneud cais yw ebostio'r Swyddog Diogelu Data yn dataprotection@cavc.ac.uk.

Dylid gwneud unrhyw geisiadau gan unigolyn i:

- gael data personol anghywir wedi'i gywiro (hawl i gywiro),
- cyfyngu neu atal eu data personol (hawl i gyfyngu ar brosesu),

Ysbrydoledig. Cynhwysol. Dylanwadol.
Inspirational. Inclusive. Influential.
www.cardiffandvalecollege.ac.uk

Adolygiad Rhif:	2
Dyddiad Adolygiad Diwethaf:	01/03/2023
Dyddiad Adolygiad Nesaf:	01/03/2024

- cael ac ailddefnyddio eu data personol at eu dibenion eu hunain ar draws gwahanol wasanaethau (hawl i gludadwydd data),
- gwrthwynebu sut y defnyddir eu data personol,

yn uniongyrchol at y Swyddog Diogelu Data dataprotection@cavc.ac.uk.

Cwynion ac Ymholiadau

Os oes gennych unrhyw gwestiynau am gasgliad a defnydd y Coleg o ddata personol, neu os hoffech gael rhagor o wybodaeth, cysylltwch â'r Swyddog Diogelu Data yn dataprotection@cavc.ac.uk.

Os oes gennych bryder am y ffordd y mae Coleg Caerdydd a'r Fro wedi trin neu yn trin eich gwybodaeth bersonol, neu os ydych yn dymuno gwneud cwyn oherwydd nad ydym wedi cydymffurfio â'n rhwymedigaethau, gallwch wneud cwyn i Swyddfa'r Comisiynydd Gwybodaeth (ICO). Dylech fynegi eich pryderon o fewn tri mis i'ch cyswllt ystyrlon diwethaf â'r Coleg. Mae manylion sut i wneud hyn ar wefan Swyddfa'r Comisiynydd Gwybodaeth <https://ico.org.uk/concerns/handling>.

Drwy'r post: Os yw eich tystiolaeth ategol ar ffurf copi caled, gallwch argraffu'r ffurflen a'i phostio i'r ICO (gyda'ch tystiolaeth ategol) i:

Customer Contact
Information Commissioner's Office
Wycliffe House
Water Lane
Wilmslow
SK9 5AF

Newidiadau i'r Hysbysiad Preifatrwydd hwn

Bydd y Coleg yn adolygu'r Hysbysiad Preifatrwydd hwn yn rheolaidd ac yn cadw'r hawl i'w newid yn ôl yr angen o bryd i'w gilydd neu os yw'n ofynnol yn ôl y gyfraith. Bydd unrhyw newidiadau yn cael eu postio ar unwaith ar y wefan.

Lleoliad a Mynediad i'r Hysbysiad

Mae hwn ar gael o'r wefan/mewnrwyd staff a gall fod wedi dyddio os caiff ei argraffu. Mae fersiwn Saesneg o'r ddogfen hon ar gael.

Ysbrydoledig. Cynhwysol. Dylanwadol.
Inspirational. Inclusive. Influential.
www.cardiffandvalecollege.ac.uk

Adolygiad Rhif:	2
Dyddiad Adolygiad Diwethaf:	01/03/2023
Dyddiad Adolygiad Nesaf:	01/03/2024

Dyddiad cymeradwyo: 24/05/2018

Cymeradwywyd gan: CQSA

Dyddiad Adolygiad Nesaf: 01/03/2024

**Rheolwr Cyfrifol: Cyfarwyddwr Gwasanaethau Gwybodaeth
a Thechnoleg**

Arweinydd Gweithredol: Prif Swyddog Gweithredu

Hygyrch i Fyfirwyr: Ydy

Adolygiad Rhif:	2
Dyddiad Adolygiad Diwethaf:	01/03/2023
Dyddiad Adolygiad Nesaf:	01/03/2024